



JU OŠ „Silvije Strahimir Kranjčević“

Broj: 06-107/26

Datum: 30.01.2026.

Na osnovu člana 65. stav (1) Zakona o odgoju i obrazovanju u osnovnoj i srednjoj školi u Kantonu Sarajevo („Službene novine Kantona Sarajevo“, broj: 27/24), člana 3. stav (2) Pravilnika o uvjetima za upis učenika u prvi razred osnovne škole (Službene novine Kantona Sarajevo broj 19/25), direktor Javne ustanove Osnovna škola „Silvije Strahimir Kranjčević“ Sarajevo, objavljuje

**POZIV
ZA UPIS DJECE U PRVI RAZRED OSNOVNE ŠKOLE ZA ŠKOLSKU 2026/2027.
GODINU**

I

Upis djece u I razred osnovne škole vršit će se u FEBRUARU, u terminu od 2.2.2026. do 28.2.2026. godine (prvi upisni rok).

U izuzetnim opravdanim slučajevima upis djece će se obaviti i u augustu, te se pozivaju roditelji/staratelji da djecu prijave za upis u februarskom roku, a samo izuzetno, uz opravdane razloge, mogu se prijaviti u augustu.

II

U prvi razred školske 2026/2027. godine upisat će se djeca koja do 1.3.2026. godine imaju navršenih 5 i po godina života (djeca rođena u periodu od 01.09.2019. do 01.09.2020. godine). Škola može omogućiti upis i djetetu mlađem od utvrđene starosne dobi za početak obaveznog odgoja i obrazovanja, uz pismeni zahtjev roditelja/staratelja djeteta i ako škola, nakon što razmotri preporuke Komisije za upis učenika u prvi razred, smatra da je to u najboljem interesu djeteta.

Upis djeteta mlađeg od utvrđene starosne dobi može se izvršiti samo ako dijete do kraja kalendarske godine puni šest godina života.

III

Školsko područje Javne ustanove Osnovna škola „Silvije Strahimir Kranjčević“ Sarajevo obuhvata sljedeće ulice:

Armagnaša, Buka, Dola, Kervin potok, Kovačeva, Ludviga Kube, Mejtaš, Tina Ujevića, Abdića, Bulbulina, Čurak, Džemila Krvavca, Hadžihareva, Hadžisulejmanova, Ivana Cankara, Mehmed-paše Sokolovića, Nikole Kašikovića, Pehlivanuša, Sarači Ismailova, Sepetarevac, Tjentišna, Dalmatinska, Kaptol, Mehmeda Spahe, Čekaluša od broja 1 do broja 27 i od broja 2 do broja 38.

U skladu sa odredbama Zakona o odgoju i obrazovanju u osnovnoj i srednjoj školi u Kantonu Sarajevo, zahtjevu roditelja, Škola može upisati i učenike koji ne pripadaju navedenom školskom području u skladu sa raspoloživim prostornim i kadrovskim kapacitetima uz obavezno poštivanja pedagoških standarda i normativa za osnovnu školu („Službene novine Kantona Sarajevo“, broj: 30/18, 9/22, 20/22 i 23/23).



JU OŠ „Silvije Strahimir Kranjčević“

Primary school „Silvije Strahimir
Kranjčević“

IV

Za upis djece u prvi razred školske 2026/2027. godine potrebno je da roditelj/staratelj djeteta popuni obrazac „Prijava za upis djeteta u prvi razred osnovne škole za školsku 2026/2027. godinu“ te popunjeni obrazac dostavi na e-mail adresu Škole osssk@bih.net.ba ili putem pošte na adresu:

JU OŠ „Silvije Strahimir Kranjčević“ Sarajevo,
Ul. Mehmed-paše Sokolovića 2,
71000 Sarajevo.

V

Obavezna dokumentacija za upis djece u prvi razred osnovne škole:

- Izvod iz matične knjige rođenih/original ili ovjerena kopija;
- Ljekarsko uvjerenje o psihofizičkom stanju djeteta za upis u školu i zdravstvenom statusu s opisom poteškoća;
- Certifikat/uvjerenje da je dijete pohađalo Obavezni predškolski program za djecu u godini pred polazak u školu koji izdaje predškolska ustanova;
- CIPS prijava boravka (PBA 3 obrazac), kao dokaz o pripadnosti školskom području – na uvid.

O terminima dostavljanja navedene dokumentacije i testiranja roditelji/staratelji djece će biti blagovremeno obaviješteni putem internet stranice Škole ili na neki drugi način koji roditelji/staratelji predlože prilikom upisa djeteta (kontakt telefon ili e-mail).

Sve dodatne informacije možete dobiti na kontakt telefon: 033 219 825, 033 668 966, 033 221 338, ili e-mail: osssk@bih.net.ba.

